

說郭

續四十二

12曾1
6
157



112
6
157

說郭續目錄

弓第四十二

藿經 蔣德璟

獸經 黃省曾


虎苑 王穉登

名馬記 李翰

促織志 袁宏道

促織志 劉侗

海味索隱 屠本峻



說郭續目錄 弓第四十二

詩經
魚品 遯園居士

萑經

泉州蔣德璟

象乳

文象聿興爰倣鳥蹏沮誦倉頡作大慧觀八九既還
極妙窮實斯殊體矣

蔣德璟曰鶴贅萑誤萑非萑妖今从古文作萑

一名

一名墮羿見爾雅注一名鷓雞見穆天子傳注一名
冠雀見華嶠漢書一名負釜見陸機疏一名負金以



其喜負日飛日色如金見詩考一名黑尻一名背竈
一名皂裙見陸機疏一名旱羣以天旱則羣飛見合
璧事類亦名皂帔見博雅

國言

於方則北荒謂之老鵲亦曰鸞鳥南京通語曰鵲河
南謂曰鵲兒陳魏之間亦曰阜帔自關而西謂之冠
雀浙江蘇松之間或曰烏童鵲福建謂之烏尾鵲兩
粵之會郊曰灰鵲出新會

形表

綠嘴修頸皓身黑翅赤腳皂帔胸釜背竈短尾高大
類鶴而頂不丹

鵲不善唳啄相戛而鳴鳴則反頸擊啄其鳴轉搖其
頸聲如砧聲

陶貞白論鵲有兩種似鶴而巢樹者曰白鵲黑色曲
頸者曰烏鵲

東筦記鵲毛灰白二種粵西名灰鶴

鳳微

天老曰鳳象鵲類鴛思

蔣德璟曰庶鳥四千五百鳳王之藿得鳳之類曰羽
霸

性俎

藿善飛搏其飛也奮魯霄上落處不知幾千里

日札曰藿善符

考異郵曰藿鵠者飛行屬之陽夷狄之鳥穴居於陰
也

短腳多伏長腳多立藿夜棲亦立

水鳥硃圓善唼陸鳥味銳善啄藿陸鳥也而生涯於

水

藿以喙鳴

禽經震為鶴陽鳥巽為藿陰鳥故藿知夜半藿知風
雨

藿仰鳴晴俯鳴陰鳩雄鳴晴雌鳴陰

埤雅藿知天蟻知地

魚出水而鼈神守之蟻出垤而藿喜鳴之

影孳

藿影菹蝦蟇聲菹

鶴影交鶴聲交

鶴母

鶴生三子一為鶴

烝琏

鵲梁蔽形鶴石歸酒

禽蟲述鶴擇譽石媪卵以助暖管小池養魚以飼雛

孕琏

鶴卵如三升杯

鶴卵易得鶴卵難求以為孟直千金

陳容

風后有鶴驚之陳

鶴好旋飛旋飛必雨古法以為陳

罌師

鴛畫印開穴以出蠹而鼠竊之鳩步罌轉石以出地

而鶴如之

鶴能以喙書符作法

羽霸

爾雅鶴鶉鷓鴣射之銜矢射人

藿遺火畢方銜火

諺云藿巢莫覩神維白虎

丹裨

淮南萬畢術曰天雄藿胎日行千里

抱樸子藿血塗金丹一九內衣中以指物隨口變化

方筌

神農本草經藿骨味甘無毒主鬼蠱諸疰毒五尸心腹疾

陶隱居曰宜用白者

藿骨有小毒殺樹木禿人毛髮沐湯中下少許髮盡脫亦更不生

藿臣

野菜譜老藿觔二月采之熟食亦可作藿

旂貢

鳳陽府歲辦藿翎四千根

帘招

酒譚曰樹雉之招者利倍鳶之招者倍差藿之招招者倍三

事

三墳補逸曰天子之馬走千里天子之狗走百里
雞飛八百里

達摩說法百雀聞經

張廣年紹定中署某縣譙樓巢雀中弋帶箭造庭哀
鳴若訴廣年閱箭首得弋人姓名拘懲之雀乃退

梁元帝遊春苑白麻紙畫鹿圖師利像雀鶴吹池美
蓉醮鼎圖並有題印傳於代

貞觀七年製破陣樂舞圖左圓右方先偏後伍交錯

屈伸首尾迴互象魚麗鶯雀樂工披銀甲執戟而舞
魏公乘任左拾遺題品朝士丞相姚崇長大行急目
爲趨地雀雀坐貶新興尉

太平興國八年帝清心殿讀書自己迄申有蒼雀飛
止殿鴟尾逮掩卷去帝怪之宰相宋琪曰昔楊震講
間冠雀銜三鱣墮庭亦符斯應

王荆公好解字說不本說文妄自杜撰劉貢父曰易
之觀卦卽是老雀詩之小雅卽是老鴉荆公不覺欣
然久迺悟其戲

高郵雙雀棲南樓上人弋其雄雌獨孤栖旬餘雀羣
偕一雄與共巢若媒之者竟日弗偶遂皆飛去雌雀
忽攢嘴入巢隙倒掛而死烈雀碑

蕭山縣文廟雀屢結巢結束則東齋登第結西則西
齋登第輒有驗始信爲瑞鳥也

蔣德璟曰貝雀諸經未嘗策事荀海棠之譖策事又
何啗雜也雀事上沂圖紀近迄聖代天真則伯天木
羽佛祖則達摩尸婆臆採未奢諧怪斯貴迺若須江
邑瑞應在石梁惇史可徵璟不敢諱而不列惟農經

緝於方筌偏荒副於鞮史灾占編于異緯事罄派分
無取殺置若其儉紕俟博雅焉

獸經

吳 黃省曾

麒麟麀牝

爾雅曰麀麀身牛尾一角漢京房易傳曰馬蹄有
五彩腹下黃高丈二吳陸機草木鳥獸魚蟲疏曰
黃色圓蹄角端有肉音中鐘呂行中規矩遊必擇
地詳而後處不履生蟲不踐生草不羣居於侶行
不入陷阱不罹羅網王者至仁則出

亦曰瑞獸

犬經

牡鳴曰逝聖牝鳴曰歸和春鳴曰扶助夏鳴曰養
綏尚書中候握河紀云帝軒題象麒麟在圃孝經
援神契曰德至鳥獸則麒麟臻唐傳云堯時麒麟
在郊藪春秋感精符曰王者不割胎不剖卵則出
於郊漢董仲舒春秋繁露曰恩及羽蟲則麒麟至
鵠冠子曰麟者玄枵之精也德能致之其精必至
毛族之君長也

大戴禮記曰毛蟲三百六十而麟爲之長王隱晉
書曰太始元年白麟見羣獸皆從

騶虞義獸

山海經曰林氏國有珍獸大若虎五彩畢具尾長
於身名曰騶虞乘之日行千里漢許慎說文曰食
自死之肉名曰騶虞草木鳥獸魚蟲䟽曰騶虞白
虎黑文不食生物不履生草應信而至者也蓋白
虎西方毛蟲故云義獸孫柔之瑞應圖記曰王者
不暴虐及行葦則見孝經援神契曰德至鳥獸白
虎見河圖括地象曰令訾野中有玉虎晨鳴雷聲
聖人感期之興

羔羊跪乳

說文曰羔羊子也春秋繁露曰羔飲其母必跪類知禮者公羊傳何休注云乳必跪而受之

羴羊善鬪

爾雅曰羴如羊郭璞注曰羴羊侶吳羊而大角角脣出西方晉呂忱字林曰野羊大角者也宋陸佃埤雅曰善鬪至死廣志曰羴羊角重於肉

羴羊防患

爾雅曰麤夫羊郭璞注曰侶羊而大角圓銳好在崖間陶隱居云角甚多卽感感圓繞唐陳藏器本草拾遺曰羴羊角有神夜宿以角掛樹不着地蓋防患也字說云鹿比其類環其角外向以自防麤獨棲其角木上是所謂麤

夷羊不祥

急就篇顏氏注曰羴羊未卒歲也一曰夷羊重百觔者爲羴王應麟補注曰夷羊怪獸殷之衰夷羊在牧

馬之良者曰駒駝曰驥

字林云駒駘北狄良馬也一日野馬史記曰匈奴
奇畜則駒駘瑞應圖記曰幽隱之獸有明王在位
則至穆天子傳曰野馬走五百里說文解字曰驥
千里馬也回鶻傳曰唐時東骨利幹國產良馬曰
中馳數百里太宗時來獻帝取其異者號十驥

蹄躡曰駢

爾雅曰駢蹄躡善陞甌郭璞注曰駢蹄如躡而健
上山秦時有駢蹄苑

小頰曰盜驪

邢昺爾雅疏曰駿馬小頰名曰盜驪穆天子傳曰
天子命駕八駿之乘右服盜驪而左綠耳

青曰騏

急就篇顏氏注曰青驪之馬文如棊也說文解字
曰文如博棊尸子曰馬有秀騏

赤曰騮

說文解字曰赤馬黑毛尾也荀子曰驪騮騏騏織
騮綠耳古之良馬也

紫曰紫鸞

葛洪西京雜記曰文帝自代還有良馬九匹故曰紫鸞縮尸子曰我得民而治則馬有紫鸞蘭池

白曰白義

穆天子傳曰天子八駿三曰白義王粲漢末英雄記曰公孫瓚常乘白馬又揀白馬數十疋選射之士號爲白義從以爲左右翼胡甚異之

非龍曰龍

周禮曰馬八尺以上爲龍月令曰駕蒼龍尚書中候曰龍馬赤文綠色

非魚曰魚

爾雅曰二目白魚郭璞注曰佻魚目也詩曰有驪魚

回毛在膺曰宜乘

邢昺爾雅疏曰回旋也膺胷也旋毛在胷者名宜乘漢樊光爾雅注曰俗呼之官府馬李伯樂相馬法旋毛在腹下如乳者千里馬

在肘後曰減陽在幹曰蕪方背曰闕廣

邢昺爾雅疏曰此別馬旋毛所在之名也幹脅

馬火畜也其蹄圓其疾臥起先前足牛土畜也其蹄圻其疾立臥先前足

造化權輿云夫乾爲馬坤爲牛乾陽物也馬故蹄圓坤陰物也牛故蹄圻陽病則陰勝故馬疾則臥陰病則陽勝故牛疾則立馬陽物故起先前足臥先後足牛陰物故起先後足臥先前足

虺獅子也無角而喜走

司馬彪續漢書曰章和元年安息國獻獅子形似麟而無角後漢順帝紀陽嘉二年疏勒國獻獅子

封牛漢劉珍東觀漢記曰疏勒王盤遣使文時詣闕獻獅子似虎正黃有頰形尾端茸毛大如斗張華博物志曰魏武伐頓冒得獅子還至四十里鷄犬皆無鳴吠

亦曰狡麇

爾雅曰狡麇如玃貓猗食虎豹郭璞注曰卽獅子也穆天子傳曰狡麇日走五百里

亦曰白澤

說文曰一名白澤瑞應圖記曰黃帝巡於東海曰

澤出能言語賢君德及幽遠則出
虎於虺也無角而善卜

說文曰虎山獸之君也楚謂之於虺能畫地卜食
狐剛子感應類從譜曰虎行以爪坼地觀竒耦而
行

亦曰李耳

漢楊雄絕代語釋別國方言曰虎陳魏宋楚之間
謂之李父江淮南楚之間謂之李耳注曰虎食物
值耳卽止以觸其諱故也

亦曰伯都

方言曰自關東西或謂之伯都

黃黑曰雌

爾雅曰雌叩鼻而長尾郭璞注曰雌侶獬

黃黑色尾長數尺侶獬尾未有岐鼻露向上

自懸於樹以尾塞鼻或以兩指江東人亦取養
爲物捷健

蒼白曰貊

廣志曰貊色蒼白其皮濕煖南中八郡志曰貊大

如驢狀似熊多力食鉄所觸物無不拉

獬豸任法

漢東方朔神異經曰獬豸忠直見人闘則觸不直聞人論則咋不正一名任法獸

嬾婦惡織

異物志云昔有婦嬾織姑槓之死爲此獸其膏以照讀書績紡則暗若宴會歌舞則明

麇麇短脰

邢昺爾雅疏曰脰項也麇麇之獸皆短項

威夷長脊

爾雅曰威夷長脊而泥邢昺爾雅疏曰威夷之獸長脊而劣弱少力也

豺祭以獸其陳也方秋獵候也

爾雅曰豺狗足說文曰狼屬狗聲邢昺爾雅疏曰貪殘之獸月令曰季秋之月豺祭獸戮禽又曰是月也天子乃教於田獵埤雅曰豺獺之祭皆四面陳之而獺圓布豺方布

獺祭以魚其陳也圓春漁候也

狸雅曰獺獸西方白虎之屬似狐而小青黑色膚如伏翼水居食魚說文曰徧屬月令云孟春之月獺祭魚然後虞人入澤梁本草圖經云江湖間多有之北土人亦馴養以爲馮魏張揖廣雅曰一名水狗然有兩種有獺獺形大頭如馬身似蝙蝠淮南子曰養池魚者不蓄獺獺

麀統其類

獸侶鹿而大名苑曰鹿之大者曰麀羣鹿隨之皆視麀所往麀尾所轉爲準

果然號其類

僞唐徐鉉吳錄曰九真晉浦縣有獸名果然獾狽類也色青赤有文居樹上吳萬震南州異物志曰交州以南有果然獸其名自呼身如獾犬而唐李肇國史補曰楊州人取一果然而數十果然可得蓋果然不忍傷其類聚族而啼雖殺之不去也此禽獸狀而人心薄俗有不如者果然大類猩猩狐惡其類鬼所乘也一名玄丘校尉千年變淫婦埤雅曰狐性疑則不可以合類故字從狐省也說

文曰狐妖獸鬼所乘也海錄碎事曰玄丘校尉狐也郭氏玄中記曰千歲之狐爲淫婦百歲之狐爲美女名山記曰狐者先古之淫婦也其名曰紫化而爲狐故其性多自稱阿紫于寶搜神記曰狐媚人自稱阿紫唐段成式酉湯維俎曰野狐名紫夜擎尾出火將爲恠必戴髑髏拜北斗不墜則化爲人矣

鹿愛其類仙所乘也一名鉅鹿侯千年變蒼白

爾雅曰鹿牡麇牝麀其子麇鳥獸草木魚蟲疏曰

鹿欲食皆鳴相召志不忌也埤雅曰鹿愛其類出於天性舊說鹿者仙獸嘗自能樂性從其雲泉至六十年必懷於角下角有班痕紫色如點行或有涎出於口不復能急走也葛洪神仙傳曰魯女生者餌木絕穀入華山後故人逢女生乘白鹿從玉女數十人海錄碎事曰鉅鹿侯鹿也抱朴子曰鹿壽千歲滿五百歲則色白劉向列仙傳曰鹿一千年爲蒼鹿又百年化爲白鹿又五百年化爲玄鹿熊子路也自樹而投地

說文云熊似豕山居冬蟄春出祖冲之述異記曰
東土呼熊爲子路劉敬叔異苑曰以物擊樹云子
路可起於是便下不呼則不動也詩義疏曰熊能
攀緣上高樹見人則顛倒投地而下
猶犬子也自地而升樹

爾雅曰猶如麂善登木說文云隴西謂犬子爲猶
獾屬也海錄碎事曰聞人聲乃豫升木如此上下
故稱猶豫

狒狒人面而善笑

爾雅曰狒狒如人被髮迅走食人郭璞注曰梟羊
也山海經曰梟羊在此煦之西其狀人面長脣有
毛反踵見人笑亦笑左手操管

猩猩人面而善啼

爾雅曰猩猩小而好啼山海經曰人面豕身能言
語郭璞注曰今交趾封谿縣出狀如獾狔聲似小
兒啼蜀志曰音作小兒啼聲既能人語又知人名
酈道元水經注曰猩猩形若狗而人面頭顙端正
善與人言音聲妙麗如婦人對語聞之無不酸楚

南中志曰土人執還內牢中人欲取者到牢邊語云猩猩可自推肥者出之既擇肥竟相對而泣

文文善呼

山海經曰放臯之山有獸焉其狀如蜂枝尾而反舌善呼其名曰文文

雙雙善行

山海經曰南海之外赤水之西流沙之東有三青獸相并名曰雙雙

羊粉牂也亦曰羴羴

爾雅曰羊牡粉牂夏羊牲羴牝羴郭璞注曰粉吳羊白羴夏羊黑羴羴黑羴也歸藏曰兩壺兩羴

亦曰髯鬚主簿其聲芊芊非佳草不悅。

崔豹古今注曰羊一名髯鬚主簿說文解字曰芊芊鳴也從羊象聲氣上出其性嗜草

豬豶豨也亦曰豨豨

方言曰豬北燕朝鮮之間謂之豶關東西或謂之豨或謂之豨南楚謂之豨其子或謂之豚或謂之豨

獬吳揚之間謂之猪子

亦曰長喙參軍其聲嘍嘍非人便不珍

古今注曰猪一名長喙參軍漢趙岐三輔決錄曰

馬氏兄弟五人共竹客舍養猪賣豚故民謂之曰

苑中三公鉅下二卿五門嘍嘍但聞做聲符子曰

朔人獻燕昭王以大豕曰養奚若使曰豕也非大

豕豕不居非人便不珍今年百二十矣人謂豕仙

豹廉獸也廉而有文

豹一名程列子曰程生馬古詩云餓狼食不足餓

豹食有餘言狼貪豹廉有所程度而食埤雅曰豹

花如錢黑而小於虎文豹有赤白玄數種草木鳥

獸魚蟲疏曰尾赤而文黑謂之赤豹毛白而文黑

謂之白豹爾雅曰豹白豹郭璞注曰似熊小頭瘳

脚黑白駁山海經云幽都之山有玄虎玄豹

狼貪獸也貪而有靈

說文曰狼似犬銳頭而白頰埤雅云狼青色作聲

諸竅皆沸里語曰狼卜食將遠逐食必先倒立以

卜所向故今獵師遇狼輟喜蓋狼之所向獸之所

在也其靈智若此故古之造式者不用槐瘿棗瘤
而以狼牙爲枉取其靈智也

麝父剔香

爾雅曰麝父麝足字林云小鹿有香其足似麝故
曰麝足陶隱居云麝夏月食蟲蛇多至塞則香滿
入春急痛自以爪剔出之著屎溺中覆之皆有常
本草圖經曰趙蹄公雜說云西北之麝噬虺而食
栢故其香結東南山谿有松而無栢故麝不結也
舍利吐金

文選東京賦注云舍利獸名性吐金故名舍利

麝性喜山

埤雅曰麝性喜山抱朴子曰山中未日稱赤吏者
麝也說文曰麝麝也爾雅曰麝牡麝牝麝其子麝

麋性喜澤

埤雅曰鹿林獸也麋澤獸也又曰麋性喜澤博物
志曰麋掘澤草而食其場成泥名曰煖民隨此煖
種稻其收百倍爾雅曰麋牡麋牝麋其子麋

麋智而安

漢書月氏注曰橐駝脊上若封土然晉陸翹鄴中
記曰脊如馬鞍博物志曰燉煌西渡流沙往外國
千里餘中無水時有伏流處人不能知橐駝知水
脉過其處輒停不行以足踏地人於所踏處掘之
則得水後周四夷傳曰流沙四百里夏日多熱風
其風欲至唯老駝知之卽預鳴而驟之埋其口於
沙中是謂智而安

蝟鈍而斃

爾雅曰彙毛刺邢昺疏曰彙卽蝟也其毛如針
雅曰蝟狀似鼠性極獐鈍物小犯近則毛刺攢起
如矢見鵲便仰腹受喙其矢輟爛淮南子曰鵲天
中蝟此理之不可推也是謂鈍而斃

貉愚而全

字林曰貉似狸善睡然其營窟與獾皆爲曲穴以
避雨暘亦以防患淮南子曰獾貉爲曲穴
狙巧而危

廣雅曰猴一名狙一名王孫一名胡孫莊子曰吳
王浮於江登於狙之山衆狙見之恂然棄而走有

一狙焉委蛇攫搔見巧乎王王射之斂給搏矢王命相者趨射之狙死王顧其友顏不疑曰狙之伐巧持其便以傲予以至此極也吳筠玄猿賦曰狙伐巧而招射

蒼兕覆舟

爾雅曰兕似牛說文曰兕如野牛青毛其皮堅厚可制鎧漢王克論衡曰太師尚父爲周司馬將帥伐紂到孟津之上杖鉞把旄號其衆曰蒼兕水中之獸也善覆人舟因神以化欲令急渡

黃熊拔木

爾雅曰羆如熊黃白文郭璞注曰長頭高脚猛慙多力能拔樹木

黑犀駃鷄

爾雅曰犀似豕郭璞注曰形似水牛豬頭大腹痺脚脚有三蹄黑色三角在頂額鼻上鼻上者食角也劉恂嶺表錄異曰犀有三角一在額上爲兕犀一在鼻上爲胡帽犀牯犀亦有二角皆爲毛犀而今人多傳一角之說韓詩外傳曰太公使南宮适

至義渠得駭鷄犀抱朴子曰通天犀有白理如線者以盛米置羣鷄中有鷄欲往啄米至輒驚却故南人名爲駭鷄犀也

玉面息鼠

廣雅曰狸一種面白而似牛故名玉面又名牛尾人家捕蓄之鼠皆帖伏不復出穴矣

獨一鳴而損絕影

感應類從譜曰獨一叫而猿散蓋獨猿類也似猿而人食猿俗謂之獨猿其一鳴猿皆騰木拔林振

動倬慄而避匿之矣

猿三鳴而人下淚

說文曰猿屬或黃或黑春秋繁露猿似猴大黑色長前臂郭仲產荊州記曰巴東三峽猿長鳴至三聲聞者莫不垂淚宜都山川記曰峽中猿至清諸山名傳其響泠泠不絕行者歌之曰巴東三峽猿鳴悲猿鳴三聲泪沾衣

烏龍喜雪

于寶搜神記曰張然犬名烏龍埤雅曰犬喜雪諺

云雪落狗喜

丈人喜月

抱朴子曰山中卯日稱丈人者兔也古今注曰兔口有缺論衡曰生子從口中出埤雅曰吐而生子故謂之兔春秋運斗樞曰主衡星散而為兔魏兔券典畧曰兔者明月之精博物志曰兔望月而孕

風獸兆風

山海經曰凡山有獸焉其狀如彘黃身白尾名曰聞麟見則天下大風易曰風從虎

火獸兆火

山海經曰鮮山有獸焉其狀如獬大赤喙赤日白尾見則其邑有火名曰移卽

水獸兆水

山海經曰空桑之山有獸焉其狀如牛而虎文其音如歛名曰軫軫見則天下大水

旱獸兆旱

山海經曰拒山有獸焉其狀如豚其音如狗吠其名曰狸力見則其邑多土功

山丈丈求金縉山姑求脂粉

海錄雜事曰嶺南皆有一足反踵手足皆三指雄
曰山丈雌曰山姑夜扣人門雄求金縉雌求脂粉
象之膽春前左而夏前右

說文曰象長鼻牙南越之大獸三歲一乳異物志
曰象身倍數牛而用不如豕鼻長六七尺大如臂
其所食物皆以鼻取之沈懷遠南越志曰象牙長
丈餘脫其牙則深藏之削木代之可得圖經曰象
有十二種肉配十二辰屬雌鼻是其肉又膽不附

肝膾則在諸肉間浮化中上苑一馴象斃太宗命
取膽不獲使問徐鉉鉉曰當在前左足既而剖足
果得又問其故鉉曰象膽隨四時今其斃在春故
知在是也

貓之睛午則豎而暮則圓

酉陽雜俎曰貓日睛旦暮圓及午豎歛如線其鼻
端嘗冷唯夏至一日煖一名蒙貴一名烏圓
在子其鳴也在子

酉陽雜俎曰在子者斃身人首灸之以蒼則鳴曰

在子

孟極其名曰孟極

山海經曰石者之山有獸焉其狀如豹而文題白身名曰孟極是善伏其名自呼

窮奇之音獬狗

山海經曰邽山其上有獸焉其狀如牛蝟毛名曰窮奇其音如獬狗

諸懷之音鳴鴈

山海經曰北嶽之山有獸焉其狀如牛而四角人

目曰羸耳其名曰諸懷音如鳴鴈

羸羸一目

山海經曰泰戲之山有獸焉其狀如羊一角一目目在耳後其名曰羸羸

從從六足

山海經曰枸狀之山有獸焉其狀如犬六足其名曰從從

歷則比肩

爾雅曰西方有比肩獸焉與印印峽虛此爲印印

虛齧甘草卽有難印印距虛負而走其名曰螻
覽口螻鼠前而兔後趨則頓走則顛
螻則無口

山海經曰洵山有獸焉其狀如羊而無口不可殺
也其名曰螻郭璞注曰稟氣自然

風狸長眉

酉陽雜俎曰南山有獸名風狸如狙眉長好羞見
人至低頭無人至乃於草中尋摸忽得一草莖折
之長尺許窺樹上有鳥集指之隨指而墮因取而

食之

足訾文臂

山海經曰蔓聯之山有獸焉狀其禺而有鬣牛尾
文臂馬蹄見人則鳴名曰足訾

驢父馬母曰羸

崔豹古今注曰驢爲牡馬爲牝則生羸

馬父驢母曰馱

說文曰馱馱馬父驢母也

山都見人則走

異物志曰廬陵大山之間有山都似人裸身見人便走自有男女長四五尺

狢徐見人則眠

山海經曰餘襄之山有獸焉其狀如菟而鳥喙蛇尾見人則眠名曰狢徐郭璞傳云佯死也

遇畏則畏

獸各遇其所畏則畏如貓畏虎畏熊之類

遇食則食

獸各遇其所食則食之如豹食豺豺食蝟之類

有所制 有所醉

如蝟制虎貓食薄苛則醉虎食狗則醉之類

有角者膏無角者脂肉食者悍草食者愚

酉陽雜俎曰食草者多力愚如牛馬之屬食肉者勇敢而悍如虎狼之屬

萃三曰羣偶二曰友

小雅日篇曰或羣或友用語曰獸三爲羣故二曰友友親於羣在數宜少

生子曰產齧草曰薦

說文曰人及鳥生子曰乳獸曰產獸之何食草爲
薦子者神人以薦獸遺黃帝帝曰何食何處曰食
薦

土處曰穴本處曰寓

穴處如熊類爾雅釋獸以闕洩以上爲寓屬邢昺
爾雅疏曰寓寄也言此上獸屬多寄寓木上故題
云寓屬

色隨五行

蒼龍之屬木行赤豹之屬火行黃熊之屬土行白

虎之屬金行黑豬之屬水行

毛應四氣

春則毛盛夏則毛希少而革易秋則更生而整理冬
則生而毛細毛以自溫焉

或變化或各歷年歲

如熊五百歲能化爲狐狸兔五百歲色變白狼三百
歲善變人形之類

異種殊形同歸地理

獸之種類不齊形狀各殊然獸皆行地之物同易曰

牝馬地類

虎苑序

嘉靖癸丑王子甥於吳郡陸氏陸氏墓在花山竹塢塢深多亂泉怪石虎渡太湖來踞塢中食人不去又數月聞擒虎過陸丈門外人皆擁門觀王子出稍後虎已去從觀者問虎文甚奇王子歎恨不及見虎他日游山間尋擒虎處又觀虎磨牙檜檜皮如削心異之山人競來譚虎王子憶古書中及人間所聞虎事往往酬答之客好事者命牘牋記又趣王子梓王子謂虎猛獸談者色變不當梓客曰奚害夫六經聖人

虎苑序
之文皆談虎談虎奚害王子廼因類成篇分爲十四
德政美循良也孝感勵天親也貞符奏瑞也占候驗
術也戴義崇報德也殛暴明帝罰也威猛示雄武也
靈怪載妖凶也參擾存貽害之旨搏射垂傷勇之戒
紀神攝以表仙釋之蹤紀人化以抑獸行之慝紀旁
喻以徵風譬之規紀襍志以廣見聞之博篇成系贊
其下客謂太簡王子曰不然譬諸飲食梁肉取飽若
夫山豆海俎指多染卽厭矣于是請客命篇客謂曰
虎苑云太原王穉登序

虎苑目錄

卷上

德政第一

孝感第二

貞符第三

占候第四

戴義第五

殛暴第六

威猛第七

靈怪第八

卷下

參擾第九

搏射第十

神攝第十一

人化第十二

旁喻第十三

襟志第十四

虎苑目錄終

虎苑卷上

太原王穉登

德政第一

宋均為九江太守郡多虎患前太守常募設檻穽而猶多殘害均到郡下記屬縣曰江淮之有虎猶河北之有雞豚今為民害咎在殘吏而勞厯張捕非憂恤之本也其務退奸貪進忠善可一去檻阱除削課制後虎相與東渡江

劉昆為弘農太守虎皆負子渡河詔問行何德政致

是對曰偶然耳帝曰此長者之言也

童恢爲不其令戶人嘗爲虎害廼設阱捕之生獲二虎恢呪曰天生萬物惟人爲貴虎狼當食六畜而殘暴于人王法殺人者死傷人抵罪若虎殺人者俛首不然號呼一虎閉目如懼狀卽時殺之一虎奮躍而去

魏世祖時有獻虎者問虎何食曰食肉詔曰下民饜糟糠何忍以肉飼虎命虎賁射殺之

劉陵爲長沙安成長先時多虎百姓患之皆徙他縣

陵之官修德政踰月虎皆出境百姓復還

法雄爲南郡太守郡濱帶江沔雲夢藪澤多虎暴前守賞募張捕乃更爲害雄下記曰虎狼在山林猶人居城市古者至化之代猛獸不擾皆由仁及飛走太守雖不德敢忘斯義記到其毀壞檻奔不得妄捕是後虎害遂息

王子香爲荊州刺史有德政卒於支江有三白虎宿衛其側垂首不動及喪去踰州境忽不見共樹碑文號曰支江白虎也

國朝于梓人楚產洪武中進士有異術歷官知登州有誦其親傷于虎者梓人命卒焚牒山中方燼而虎至帖耳隨行觀者如堵走伏庭下梓人數其罪百咎之許其改過叱之出虎遂循故道而去

慈谿張昺成化間爲鉛山令虎食寡婦子訟于張張令去五日來迺齋戒爲文祭城隍神約五日內必驅虎伏辜不然廟當毀後五日天未明夢神告虎來張挾矢升堂二虎伏庭中不動張曰爾食吾民罪當死虎有不傷人者出一虎出一伏如故張善射引滿

三 中其首命卒亂鞭殺之召婦人歸其虎昺字仲明御史大夫楷之子所至有政聲

牟倖廉察江西夢虎身被三矢而登舟遂驚寤以告僚佐僉事胡某見牟性行譟謂曰得無獄寃耶牟艱然罷先是牟斷吉安女子殺夫獄有疑女許嫁貧士親迎時盜殺貧士塗中士之父疑婦家嫉其貧而殺之訟于牟牟怒不察因案女姦而謀殺其夫論死胡逮問女姦夫無所得使媪驗其女又處子問士與誰交密云同舍生周彪胡沈思曰虎三矢登舟彪也因

檄彪修志既至召彪密室引其手曰牟公廉知若事
欲論極典吾憐若材止牟公第吐實當相援耳彪錯
愕卽跪陳聞女艷故謀殺貧士圖妻女胡錄其辭白
牟遂出其女而論彪死焉

讚曰奕奕循吏仁孚異類負子挾羣涉波以去穆
矣弘農猗歟九江二君爲政竹簡生香

孝感第二

楊香楊豐女也隨父田間刈稻豐爲虎所噬香年才
十四身無寸兵遽搃虎頸虎犇逸得免太守孟肇之

上其事詔旌門閭

區寶居父喪鄰人格虎虎趨入其廬卽以簣覆之鄰
人問寶寶曰虎豈可藏耶人遂去虎後送禽獸助寶
祭祀

景定間郢州村民一姊一弟偕樵常日姊樵歸爨弟
樵鬻薪養母一日負薪歸虎逐弟登木爪其裾姊拏
虎尾呼曰虎食我無食第第死母誰養虎回視置之
而去

成都章惠仲與妹壻丘生偕赴試出峽舟覆丘死焉

章登第調并研主簿還及峽聞弟死舍舟乘馬疾行
過萬州日黑馬仆墜厓下虎來銜章髮章謂虎曰汝
靈物當聽吾語吾母八十生子二人女一人往年妹
壻死于江今年弟死于室獨吾一身存將竊升斗祿
養母汝食我柰母老何虎聞遽捨之天明章攀木而
上迺得歸章赴官母卒未幾亦卒乃知一念之善脫
於虎口爲母故也

朱泰家貧養母百里鬻薪親極滋味戴星伐木虎負
之去朱厲聲曰食我不惜母無托耳虎棄泰于地去
泰竟不死里人以爲孝感醜金遺之目爲虎殘

讚曰天親邁凶赴難如歸踴躍捍衛當者披靡鬚
鬣非懦爪牙非威鬼神祐之共濟阨危

貞符第三

騶虞白虎黑文不食生物不踐生草不履生蟲虎壽
千歲五百歲者色白
樞星散而爲虎

虎窟山相傳燕濟南太守胡語于此山掘得白虎因
名焉

虎丘初名海涌吳王闔閭葬其下發卒六十萬人治之葬三日白虎蹲其上因名

魏文帝將受禪郡國奏白虎二十七見

周永昌中涪州多虎有獸似虎而絕大逐一虎噬殺之錄奏檢瑞應圖曰酋耳也不食生物遇虎則殺之

讚曰白虎金精縞質玄章西方之宿匪禍伊祥聖人受曆寶圖皇皇孰謂於菟騏驎鳳凰

占候第四

奮衝破又能畫地卜食兵法曰將開牙門常背建

向破其以此歟

虎行以爪坼地卜食觀奇偶而行今人畫地卜者曰

虎卜

虎交而月暈

虎嘯則風生

南山久旱以長繩繫虎頭骨投潭中有龍處水掣不定俄頃雲起雨亦隨降

虎威如乙字形長一寸在脇傍皮內尾端亦有之佩之臨官主無官人所媚嫉

晉武帝母李太后簡文時執役宮中簡文無子令善相者相諸宮人相者指后當生貴子而有虎厄帝幸之生武帝及會稽王道子既爲太后服相者之驗而怪虎害無謂且生未識虎乃令工圖形戲擊之便患手腫而崩

班超微時相者謂燕領虎頭當爲萬里侯已而果然沈僧照嘗校獵中道而還左右問何故答曰國家有邊事須還處分問何以知曰向聞南山虎嘯俄而使至

讚曰交維暈月嘯迺生風天文協應譬彼雲龍手萌后禍頭兆侯封靈占歷歷符節攸同

戴義第五

郭文舉與虎探去鯁虎送鹿報

長興邸姬山行遇虎銜入深谷虎蹲姬前不食姬曰莫有刺欲去否虎舉足示姬見爪下竹刺拔去之騰躍數四銜姬至舊所不相傷夜置一鹿于門而去李叟家湖濱蠶月出條桑幼孫守室虎渡湖餒甚入室見孫不食登豕牢食豕去叟歸尋豕甚怪夜聞牢

中虎嘯及豕鳴天明視之豕故在而大過前豕蓋虎
銜來報之也

讚曰蠢爾毛蟲懷德惟深黔首謂何下石甘心黃
雀玉環靈虵寶珠中山之狼于爾何誅

極暴第六

義興某人攜妻往歷陽附一舟長年悅其妻欲圖之
方艤舟給其人曰吾此地多相識畱若妻舟中吾與
若先登陸同行至山下被毆死長年卽還舟劫其妻
曰而夫死于虎而無苦當與吾偶妻哭謂尋得遺齒

當從汝長年不得已漫挈之往塗間遇虎徑攫長年
而去婦見虎謂夫果死慟哭於途人問得其故云適
自邑中來見人憇爲舟人毆死復甦豈爾夫耶婦請
尋之果其夫更生云

乾道中江西水災豐城農夫挈其母及妻子就食他
所過小溪密語妻曰穀貴艱食豈能俱生我襁兒先
渡母老不能來可弃之婦不忍掖姑以行足啗泥淖
方取履見白金爛然在水中拾得之語姑曰本爲貧
徙今幸天賜可歸矣登岸視其夫不見見戲沙上問

之云被黑牛銜入林中入林視之流血丹地已爲虎食矣

大德中荆南九人山行避雨入土洞中虎來踞洞口視耽耽八人密議排一人愚者出啖虎虎當去虎得人銜置他所坐如故須臾洞崩八人死愚者竟生義興陳氏婦豔而孀居家鄰木客客悅其姿莫能犯乘夜登垣昇木寘其庭詰旦指爲竊訟于官婦事玄壇神素虔慟告神夢神曰令吾虎報爾仇未幾客偕侶山中伐木黑虎躍出叢竹噬客去衆喪魄久之

讚曰高山大壑窟宅深藏藜藿不採狐兔潛亡武臣洸洸龍旂鳥章妖氛清明萬國來于

靈怪第八

鬪伯比淫于邳女生子文焉邳夫人使弃諸夢中虎乳之邳子田見之遂使收之楚人謂乳穀謂虎於菟故命曰鬪穀於菟

虎殺人能令屍起自解衣此佞鬼所爲也

開元中韋知微爲蕭山令縣多山魃變幻爲害前後官吏多被其禍知微至究其窟宅烈火焚之邑中寂

虎苑 卷上
然一日有客稱蘭陵蕭慥來訪知微談鋒捷麗辨敏
無雙知微甚加顧重客出懷中小合有獼猴大才如
栗謂知微曰此猴雖出峽所得宛轉可玩輒當相贈
知微奇之誇示于內猴忽騰躍化爲猛虎兵仗無施
闔門遭噬子遺無有矣

周象好獵爲汾陽令夢乳虎相逼驚寤得疾僧海寧
過其門謂鄰父曰此有妖氣當爲禳之象聞召僧僧
伏劍禹步誦呪入門直至寢所遶牀數匝叱之忽聞
牀下虎吼家人奔駭象不覺投牀下死僧命水喫之

出矣命狐狸求美女醇醪書朱符分餉之群獸皆懼
鳴黃冠唵曰昔爲仙子今爲虎流落陰厓足風雨更
將斑毳被余身千載青山萬般苦樵人歸未明而風
雪暴至蕭公罷畋矣讀其詩知巖四爲虎也

大中間甯茵秀才假大僚莊于南山下月夜有斑寅
將軍來謁氣類雄武自陳斑氏出於鬪穀於菟有文
斑之象因以爲姓後漢斑超生而虎頭封侯萬里某
故將種官虎賁中郎將比因得罪竄伏山林耳遂朗
吟一章曰但得居林嘯焉能當路蹲渡河何所怯終

是法剗現甯甚疑之遽辭去及明視門外惟虎蹤而已

清源陳襄隱居別業臨牕夜坐外皆荒野月正明見婦人騎虎過牕下徑之屋西先有婢臥屋壁下婦人取竹枝從壁隙中刺婢卽呼腹痛起出戶如廁褻駭愕未及言婢已爲虎所攫遽抹之得免鄉人言村中恒有此怪蓋虎俵也

陳郡謝玉爲瑯琊內史在金城其年多虎暴有一人乘小舸載少婦插刀著船舷婦登岸便爲虎銜去其須臾如故

長慶中處士馬拯馬沼約遊衡山拯先至見麗眉僧舉動樸野邂逅歡甚倩拯僕隨下山市鹽酪俄頃沼至云山下見虎食人訖化爲僧拯詢知是已僕方駭顧僧亦來口血尚殷二人給僧云井有怪物因共窺井推僧墜井中乃虎也下石壓殺之急趨歸日已暝見獵者張機道傍召二人宿棚上曰虎方暴不可歸二人從之薄暮猛虎觸機矢貫心死忽見僧道男女舉群至號哭云殺我禪師讐未復復殺我將軍耶二

人叱之曰爾俵無知生爲虎食死爲虎役今幸虎死
又哀哭之何故哉于是諸俵犇散終不知禪師將軍
者虎也

景雲元年蕭志忠爲衡州刺史臘日將畋先期樵人
薪于霍山夜半月白見長人衣豹皮角而光芒虎兕
狐狸千百從行自稱玄冥使者奉帝命以若屬充蕭
使君畋數群獸哀號不起使者曰當求解于嚴四樵
人施從至東谷中黃冠坐虎皮上使者告之故黃冠
曰蕭公仁者本順時令若滕六降雪異二起風當罷

讚曰暴夫茹柔傷彘叛倫神實禍淫匪虎噬人天
討有嚴帝命有虔斧鉞奚事元凶殲焉

威猛第七

虎類能識人氣行至百步輒伏而嗥聲震山谷須臾
奮躍搏人

虎骨甚異雖只尺淺草能身伏不露及虓然作聲則
巍然大矣

虎中有真虎真虎不可射其見射於斐旻者非真虎
也

虎不食小兒兒癡不懼虎故不得食并不食醉人必俟其醒始食非俟其醒俟其懼也

虎饑亦啖菓實不特獸也比食人男子自勢婦人自乳惟不食婦人之陰

虎不行曲路遇之者引至曲路即可避去

虎食犬則醉犬乃虎之酒也

虎搏兔先於四圍遺溺兔不能出坐受其搏

虎爲獸長亦曰山君

虎豹之駒雖未成文已有食牛之氣

人拔刀逐之口呼鍾山蔣侯求助卽有黑人來導行入虎穴虎子聞聲謂母虎至皆走出卽刺殺之隱樹間良久虎來倒牽婦入穴中其人以刀斫斷虎脰虎死婦故活夜夢黑衣人云蔣侯生汝知否還家殺猪祠焉

建炎間荆南多虎郭外人多移家入城避虎張四者移未畢而虎至急竄于梁虎升堂蛻皮化爲丈夫出門尋張張下取皮置梁上虎還失皮甚窘探懷中丹符陳于地曰吾奉天符取若等姓名都除惟若在耳

能還我皮當捨若張曰除我名迺還汝皮虎出筆除之張擲皮下虎蒙皮復故形咆哮大躍張震駭幾墜虎去明日六十里外雷震殺虎

資州趙媪業乳醫夜聞扣門方出應爲人負去行如風至石厓下語趙曰爾無畏吾虎也吾妻方產能全吾妻當謝爾黃金入穴見牝虎坐蓐趙爲收得虎子卽負趙歸明夜聞人呼曰謝揀妻子五里外虎殺一僧衣下黃金汝取之平旦如言往果得金

荊州陟岵寺僧那照善射言夜格虎時必見三虎並來挾者虎威在中者虎虎死威入地得之可却百邪虎初死時記其頭枕處月黑夜掘之掘時有虎吼不足畏此虎之鬼耳掘三尺當得物如琥珀蓋虎目光淪入地之所爲也

義興多虎成化間邵某設機于路虎過中箭跡之不獲明日行山廟見土偶股間箭在焉令聞而毀其廟又總兵趙輔征廣西蠻見群虎飲溪中趙引弓射之中其魁帶箭去明日邏者于古廟中見神被箭集脇間趙神之新其廟不若前令之毀爲得云

陸丈外舅先隴在花山竹塢中林壑幽迥往年多虎
墳鄰人帶月採茶見白袍丈人謂曰去去虎且至倉
皇升木見一群流血人來繞樹數匝云走却也當是
茶中人洩之矣悵悵而去須臾虎至過岡度前嶺其
人趨歸語其妻但不解茶中人何謂傾筥視之乃龕
中木偶也先是此偶在山廟中拾得之龕事於梁中
夜鼠鬪墜筥中不之知及是乃悟遂金身石屋虔奉
焉

讚曰關生弃野猛虎飼之匪虎飼之惟神賜之爲

鬼爲魅又曷使之妖不勝德正直耻之

虎苑卷下

秦擾第九

梁鴛曰且一言我養虎之法夫食虎者不敢以全物與之爲其碎之之怒也不敢以生物與之爲其殺之之怒也虎之與人異類而媚養已者順也故其殺之逆也吾豈敢逆之使怒哉亦不順之使喜也何則喜之復也必怒故曰不處中和勢極則反必然之數耳孔公文詔爲廣西按察使艤舟江口鄰舟有占城人進虎京師延公過舟虎在圈中毛色炳煥一夷人能

馴虎開圈弄虎手探口中略無所損戲其足輒退縮
夷人言虎惜爪距故也又呼其名卽長吼孔駭然而
退

董奉爲醫術甚神種杏成林人來謝者使益種杏杏
實時虎守杏不去

江口孫御史夫人養一乳虎甚馴著牀屏間玩弄如
意後虎漸大夫人歸寧扁虎室中五日方還虎枵甚
見夫人便作禱噬狀夫人大驚命格殺之

扶南王范尋常蓄生虎人有訟未知曲直輒投虎虎
不噬則爲直于是蠻貊之人祀虎爲神

讚曰猛獸野心反噬非久出柙遺害咎歸典守上
林清風嗇夫緘口破樊脫檻率墮以走

搏射第十

卞莊子性好勇嘗刺虎館豎子止之曰兩虎方食牛
牛甘必鬪則大者傷而小者亡從傷而刺一舉當兩
獲莊子然之果獲二虎

李禹有勇力帝使刺虎縣下圈中未至地有詔引出
禹以劍斫絕纜欲刺虎上壯之

李廣在北平出獵見草中石以爲虎射之中石飲羽
視之石也明日更射不復入

李廣與兄牙獵于宜山見臥虎射之一矢卽殪斷其
頭爲枕示服猛也鑄銅象其形爲洩器示辱之也今
人作虎枕自廣始又謂洩器曰虎子穆天子時有虎
在葭中七萃之士曰高奔戎乃生捕虎而獻之天子
命柙而蓄之東虞是曰虎牢

孫權好畋長乘馬射虎虎突前攀馬鞍張昭變色諫
權謝曰年少不能慮事然猶不能已命作射虎車

周處年少時凶彊俠氣爲鄉里所患又義興山中虎
長橋下蛟並皆暴犯人謂三橫而處尤劇處聞有自
新意便射殺蛟及虎虎名遭跡乃白額虎也

天寶中緱氏縣太子陵仙鶴觀每年九月三日夜卽
有道士一人上仙張竭忠爲令不信命勇士執兵夜
覘之三更後見黑虎入觀銜一道士射之不死乃弃
道士而去其年遂無上仙者明日令大獵石穴中格
殺數虎得金簡玉籙冠帔骨髮甚多皆前時上仙者
也觀遂廢爲陵使之居

勝國時張興祖萬戶善射虎平生射殺十數虎他日
遇虎一發而踣語人曰聞生虎鬚可療齒因拔之虎
氣垂絕猶爪裂其鞞人遂目之爲殺虎張
黃埭阮某有膂力溪行遇虎突入其舟阮前抱虎腹
相持入水踰時迺出虎逸去阮歸晝寢猫登其榻夢
中驚呼虎至戰汗死

肇慶人言其鄉有人善捕虎夜持藥矢蔽林中聚薪
燃火有虎與熊偕來附火人潛發矢射中熊喉熊拔
矢怒視虎已而痛甚卽拔巨木擊虎虎死熊繼之遂

兩獲焉

孔公文韶宰都昌時一卒長身多力夜行遇虎乃登
木木無巨榦虎怒齧之欲仆卒躍下持虎久不解道
無行人語虎曰吾與若俱力盡捨之恐見食卽不食
我當三號虎便三號卒縱之掉尾而去
義興王昌六絕有力能拔樹嘗之野見人持鎗逐虎
王取槍屈折之笑曰槍柔若此虎烏能死哉拔道傍
巨竹剡其末未竟而虎來張頤向王王以竹貫其喉
更持虎兩足擲林中則已僵矣

陸丈童子師包君家龍丘山中地多虎與妻家隔嶺
居妻第某生素剛愎夜飲包家昏黑欲歸不能止登
嶺月出一虎蹲石上見人方張顧未及踴躍生遽以
鞞趨之趨歸視鞞已裂矣明日嶺上行人言虎脫顧
死

山西有人善搏虎蓄一弓極勁出必自隨一日官命
捕虎山中使其侶將弓以從道語聞虎出于簿亟呼
弓來其侶倉皇悞以他弓與之而將弓者逋矣柔不
堪用應手折其人以手把虎足虎人立而吼虎頷骨

極堅抵擊不已賴有鐵憤可禦不然碎首矣日且黑
道無一人其人恐更有他虎當不可禦遽伸臂與虎
一至而虎死焉蓋虎性甚耿有不如意卽憤極須齧
人乃死其人識虎性故假手殺之吾吳中人官山西
親見之召至啓其臂傷痕尚新也

讚曰徒博稱暴輕生奚取雅歌不敢風云傷汝飛
將射石飲金沒羽聖行三軍嗟嗟誰與

神攝第十一

仙人鄭思遠長騎虎故人許隱病齒求治鄭曰惟得

虎鬚及熱插齒間當愈卽拔數輩與之因知虎鬚治齒也

老彭殷大夫也姓錢名鏗歷夏至殷八百餘歲歷陽有彭祖仙室常有兩虎在祠左右前世禱請風雨莫不輒應祠訖地卽有虎跡云

東海黃公能御虎佩赤金刀以絳繒束髮及衰老力憊飲酒過度不能復行其術秦末有白虎見于東海黃公乃以赤刀往厭之術旣不行遂爲虎所殺三輔人俗用爲戲

介象入山求神仙臥石上有虎舐象額象寤謂虎曰天使汝衛我者汝畱若山神使試我者汝去虎乃去吳猛有道術同縣鄒惠政迎猛夜于中庭燒香虎來抱政見超籬去猛語云無所苦須臾當還虎去數步忽送兒歸

貴州僧結菴龍虎山下嘗赴齋市人家倩四僕肩輿以行至卽從主人求密室閉僕其內加扃鑰戒勿與食主人念僕遠來不當令枵腹俄聞咆哮走視之皆虎也驚悸毛竦爭來言僧但微笑齋罷啓鑰喚出依

然僕也遂舉輿去蓋始以法攝制山中虎耳

上官昶有神術能捕虎長樂謝士元守建昌虎近郭
噬人士元自往捕之兵衛甚盛昶過見之笑曰捕一
虎何難張耶守知其神召問之曰第令眾人毋呼我
姓名聽我指使虎易制耳乃令東芻燃火先行毋伐
金鼓既至虎所虎踞竹林中昶被髮而進以袖拂虎
頭虎不動遂乘之以行觀者塞道及郭門一人呼曰
官先生騎虎來矣虎遂回首齧昶足昶亟呼獵徒叢
稍刺殺虎人問昶何術曰玄壇法也蓋道家謂玄壇

神能伏虎耳

讚曰至人御虎身尊道高馴服無忤如豕于牢黃
公習幻絳繒赤刃術衰乃死角觝遺朝

人化第十一

牛哀病七日化而爲虎其兄啓戶而入虎搏殺之方
其爲人也不知其將爲虎也及其爲虎也不知其嘗
爲人也

宣城太守封邵化爲虎食郡民民呼曰封使君時人
語曰毋爲封使君生不治民反食民

隴西李微皇族子恃才倨傲東遊吳楚莫知所適明年微故人李儼使嶺南至商於界有虎騰出草中見儼匿身言曰故人知我乎我李微也往年歸汝墳病于逆旅夜聞人呼走出山谷間不覺以手攫地而步視髀間斑毛茁然心惡之臨溪顧影已爲虎矣初食狐兔既乃噬人今其骨髮故在嗟下耳行負幽明化爲異類奈何故人言罷大慟托儼周其家甚哀懇儼回車登嶺見虎吼林中聲震巘谷後從南中取他道歸不復由此矣

趙不易爲江陰軍僉判妻病火食絕不食惟啖生肉與趙隔寢婢勝侍疾者輒病死不朞月更三人皆死老兵持肉自戟門入怒不食自後圃卽食之趙後待關衡州妻白晝化虎而去人謂戟門有神而三婢者遭其乘夜吮血故殞焉

葉薦妻讒妬葉七十始蓄一妾妻卽求離異築室山後居焉家人日夕省候葉謂不復妬令妾訊之日落不返親詣其處門戶深扃破關而入則妻已化爲虎食妾盡矣

劍州李忠因病化爲虎初忠病久其子買藥歸而省
父忠視子朶頤涎流子驚視父已作虎形出外扇其
室穴壁窺之迺真虎矣

乾道五年趙生妻李氏病頭風家人聞虎吼走視之
化爲虎頭問之不能言但隕淚撫其幼子與飲食不
復食但食生肉日飼數斤久之迺死李生時凶悍人
謂惡報云

讚曰凶悖濟惡獸心是騁戴弁峩峩猛踰獬獬五
內旣乖化爲異類倏焉咆哮啞人不顧

旁喻第十三

易曰大人虎變其文炳也

孔子適楚有婦人哭于路而哀使子貢問之曰爾之
哭重有憂乎曰然子貢問其故曰吾舅死於虎吾夫
又死焉今吾子又死焉是以哀之子貢曰奚不去也
曰無苛政孔子聞之曰小子識之苛政猛于虎也
齊饑陳臻謂孟子曰國人望夫子復勸王發棠孟子
曰是爲馮婦也馮婦善搏虎有衆逐虎虎負嵎莫之
敢撻衆望見馮婦趨而迎之馮婦攘臂下車衆皆悅

之爲士者笑之

龐共與太子質于邯鄲謂魏王曰今一人言市有虎王信乎王曰否二人言王信乎王曰否三人言王信乎曰寡人信之共曰夫市無虎明矣然而三人言成市虎今夫邯鄲去魏遠于市議臣過于三人願王察之共從邯鄲還果不得入呂蒙欲從軍母止之蒙曰不入虎穴焉得虎子

曹公擒呂布布顧劉備曰玄德卿爲坐上客我爲降虜今縛我亟獨不可一言耶操曰縛虎不得不亟也
韓子曰虎之能縛狗者爪牙也使虎失其爪牙而使狗用之則反伏於狗矣

司馬遷曰猛虎在山百獸震恐及在陷穽搖尾而求食積威約之漸也

劉夢得守連州替高霞寓高後入爲羽林將軍承眷顧附書夢得欲請自代劉答書云昔有姬行山中遇虎虎舉足示姬見有芒刺爲拔去之虎感奮而去及歸擲麋鹿狐兔於姬家日無虛焉一旦忽擲死人入村人執姬爲殺人姬說前事得釋乃登垣語虎曰感

則感矣叩首大王更不拋人來也

解學士縉應 制題虎顧衆彪圖云虎爲百獸尊誰敢觸其怒惟有父子情一步一回顧 文皇素不悅仁宗聞此惻然卽遣夏原吉迎於南京可謂善諷者矣

讚曰苛政傳譏大人易著君子見幾耻爲馮婦良臣善諷比物援類大君納約罕譬而喻

襍志第十四

爾雅曰熊虎醜其子狗絕有力麋

漢律曰捕虎一購錢三千其狗半之

記曰迎貓爲其食田鼠也迎虎爲其食田豕也詩曰有貓有虎注謂貓似虎而淺毛疑卽俗所謂山貓耳非如人家所蓄者蓋貓亦食人特其威猛亞于虎云易曰虎視眈眈其欲逐逐

三九者陽氣成故虎七月而生陽立於七故虎首尾長七尺般文者陰陽襍也

淮南子曰虎不可使緣木

風俗通曰人卒得病燒虎皮飲之繫之衣服亦辟惡

縣虎鼻門上宜官子孫帶印綬縣虎鼻門中周歲取
作屑與婦飲之生貴子勿令人知知卽不驗亦勿令
婦見之

神荼鬱壘兄弟黃帝時人能執鬼鬼有禍人者以葦
索縛之投食虎於是官常以臘除畫虎桃人于門
方言虎陳魏之間曰李父淮楚之間曰李耳注謂虎
食物值耳而止以觸其諱

百體書中有虎 召奏用虎爪書不可學以防詐偽
山蕭一名山臊能役虎害人

周禮方相氏歐罔象罔象好食亡者肝而畏虎與楮
故墓上置石虎樹栢爲此也

二廣俗好於門畫虎頭書聾字

仙藥中有虎脫齒

蝟能跳入虎耳

猾無骨入虎口虎不能噬處虎腹中自內嚙之今云
蠻夷猾夏取此義

虎鷹能飛捕虎豹身大如牛翼廣二丈

虎鬚草江東人織以爲席

禽蟲之善搏生者多稱虎如虢曰蠅虎鳩曰魚虎守宮曰蠍虎土附曰蝦虎鳩割葦食蟲曰蘆虎皆以其善食是物而有是名

士子初登選及遷除朋僚歡燕謂之燒尾說者謂虎欲爲人惟尾不變須焚之乃變故燕以名海中虎頭白皮料影三種鯊魚皆能變化

桀之女樂三萬人投虎于市觀其驚駭

子華少學公羊十四舉孝廉到洛陽遇虎爭一羊乃瞋目按劍斬羊腹虎各以其半去

秦召公子無忌不行使朱亥奉璧一雙秦王怒令屠亥虎園中亥瞋目視虎背裂血濺虎不敢動

大觀間昌化山中居民夜聞虎鬪聲甚厲已而寂然殆曉視之見二虎頭八蹄而已意方鬪時別有猛獸遇而兩食之後有見異獸于山中金毛五文狀類獅子是必食虎者也然不知其何名

韓蘄王夫人京口倡也嘗五更入府賀朔見虎蹲臥廊間駭甚趨出不敢言已而衆至復往視之廼睡卒也蹴之起問姓名爲韓世忠心異之歸告其母具酒

邀韓約爲伉儷斬王後貴遂封兩國夫人
宋丞相范文穆公好談虎構軒曰說虎

被虎傷者當啖菜油三四盃

龍丘山農家窶甚里胥至欲烹抱雛母雞爲供具胥
恍惚見黃衫女前拜乞命俄失所在入屋見其家縛
雞胥不許去數日復來雞已抱出一群雛見胥飛鳴
作相感狀胥出門遇虎幾欲近忽一雞飛撲虎眼胥
得逸去却還其家已失雛問之云朝來飛去胥具述
虎事共往尋之雞已折翮斃草間自是山中不復食

雞

龜山趙氏乳犬引雛行虎來攫母犬趙持矛呼衆逐
虎虎趨捷莫能及雛犬悲鳴嚙虎尾虎憚追莫敢回
顧帶之而走骨挂榛棘灑血殷地終不肯釋虎爲犬
係累犇逸稍遲遂遭追及死于刃下矣
魏明帝于宣武場上斷虎爪牙縱百姓觀之王戎七
歲亦往看虎承間攀欄吼觀者辟易顛仆戎湛然不
動了無恐色

梁王徐知諤嘗遊林山除地爲廣場編虎皮爲大帷

率僚屬會其下號曰虎帳忽暴風飄帳碎如飛蝶知
謬心惡之歸數日病卒

吳俗好鬪蟋蟀用黃金花馬爲注里人張生爲之屢
負禱于玄壇玄壇張所素奉夜夢神云遣吾虎助爾
在北寺門下張覺往尋之獲黑蟋蟀甚大每鬪輒勝
獲利甚豐久之乃死

陳氏家義興山中夜聞虎當門大號開門視之乃一
少艾雖衣襦凋損而妍姿不傷問知是商女隨母上
塚作寒食爲虎所搏至此陳婦見其端麗諷之曰能

爲吾子婦乎女謝惟命乃遂配其季子踰月其父母
蹤蹟得之喜甚遂爲婚姻日曰虎媒

趙南仲丞相居溧陽私第作圈養四虎圈近火藥庫
藥焙遺火衆砲倏發地震屋傾四虎悉斃人以爲駭
元時外夷貢獅子虎頭狗身形色不類官中以為非
真夷人牽入虎牢虎皆帖伏不敢動獅遂溺于虎首
虎益懾懼由是信爲真獅子也

宣德間程雲南爲尚寶一日被召至虎城傍門啓虎
突出程驚呼不已 上大笑蓋虎去爪牙上特用戲

之耳

國朝劉馬太監從西番得一黑驢進 上能一日千里又善鬪虎 上取虎城牝虎與鬪一蹄而斃又鬪牡虎三蹄而斃後取鬪獅獅折其脊劉大慟益龍類也

讚曰六經譚虎聖人之書班班載籍雲爛星垂分篇割牘採綴紛紜蒙茸支離裨益多聞

名馬記

越郡李翰

龍馬

伏羲時龍馬負圖出河遂則其文以畫八卦

飛黃

淮南子曰黃帝治天下飛黃服皂高誘曰飛黃如狐背有角日行萬里乘之壽三千歲韓愈曰飛黃騰踏去不能顧瞻矦

應劭曰乘黃龍翼馬身黃帝乘而仙

名馬記

唐龍馬

尚書中候曰堯時龍馬銜甲赤文綠色臨壇上甲似龜廣袤九尺圓理平上五色文有列星之分斗政之度帝王興亡之數

神馬騰黃吉光驥褭飛兔馱蹄

驥音咬褭音裊馱音決

孝經援神契曰德至山陵則澤出神馬

瑞應圖曰騰黃者神馬也其色黃王者德御四方則至一名吉光乘之壽三千歲此馬無死時

驥褭與飛兔同以明君有德則至飛兔日行三萬里

禹治水土勤勞天應其德至馱蹄者后土之獸也自能言語王者仁孝於民則出禹治水有功至

漢書音議曰驥褭神馬也赤喙黑身

宋志曰漢元和中騰黃見郡國

驪

記曰夏戎事乘驪殷乘翰周乘駟夏駱馬黑鬣殷白馬黑首周黃馬蕃鬣疏曰魯有三代之馬

吉黃

周書曰犬戎之馬赤鬣白身目若黃金名曰馱吉黃

之乘成王時來獻或曰文王時獻之

馮一作馱馮音民馱音文

八駿

拾遺記曰周穆王馭八龍之駿一名絕地足不踐土
二名翻羽行越飛禽三名奔霄夜行萬里四名超影
逐日而行五名踰輝毛色炳輝六名超光一形十影
七名騰霧乘雲而奔八名挾翼身有肉翅逝而駕焉
按轡徐行以弔天地之域

翠龍

楊雄河東賦注師古曰翠龍穆天子所乘馬也

玉馬

瑞應圖曰玉馬者王者清明尊賢則至一本曰玉澤
馬者師曠時來

驪驪

左傳唐成公有兩驪驪馬

文馬

左傳宋人以文馬百駟贖華元于鄭

朱鬣

左傳宋公子地有白馬四公嬖向魑魑欲之公朱其

尾鬣以與之

啟服

左傳衛侯來獻其乘馬曰啟服

秦七馬

古今注曰秦始皇有七名馬一日追風三日白兔三日躡影四日追電五日飛翻六日銅雀七日晨鳧

楚騅

史記項王駿馬名騅常騎及敗至烏江譚亭長曰吾騎此馬五歲所當無敵不忍殺以賜公

魏志陳思王表文帝曰臣於武皇帝世得大宛紫騮馬一匹教令習拜

驚帆

古今注曰曹真有馱馬名驚帆言其馳驟烈風舉帆之疾也

大宛馬

晉武帝泰始六年九月大宛獻汗血馬

晉太元神馬

晉武帝太元十四年寧州刺史費統言晉寧郡滇池

縣兩神馬一黑一白盤戲河水之上

元馬

華陽國志會無縣有元馬河元馬日行千里歿於蜀
今元馬冢是也

滇池神馬

華陽國志曰神馬四匹出滇池河中

大宛千里駒

晉載記符堅遣使西域於是大宛獻千里駒皆汗血
朱鬣五色鳳膺麟身堅命羣臣作止馬詩而遣之

九逸

西京雜記漢文帝自代還有良馬九匹皆天下駿足
也名曰浮雲赤電絕群逸騾紫燕綠騶驄龍子驎駒
絕塵號九逸

烏孫天馬

張騫傳元狩中得烏孫馬好名曰天馬及得宛汗血
馬益壯更名烏孫馬曰西極馬宛馬曰天馬

赤兔

曹操傳呂布有駿馬名赤兔常騎乘之時人爲之語

曰人中有吕布馬中有赤兔

絕影

後漢書曹公所乘馬名絕影

白鶴

拾遺記曹洪與魏武所乘之馬名曰白鶴時人諺曰

憑空虛躍曹家白鶴

上黨澤馬

宋志魏黃初中上黨得澤馬

紫駢

赭白

載記慕容廆有駿馬曰赭白有奇相逸力雋比之於

鮑氏驄命鑄銅以圖其象親為銘贊鐫勒其旁置之

劔城東掖門

龍驤

齊書齊太祖乘常所騎赤馬入殿及踐祚號此馬龍

驤將軍

青海驄

隋書吐谷渾有青海中有小山其俗至冬輒放牝馬

於其上言得龍種嘗得波斯草馬放入海因生驄駒
日行千里故世稱青海驄

康國馬

武德七年康國獻名馬

十驄

唐書骨利幹遣使獻良馬十匹唐太宗爲之制名號
爲十驄一曰騰霜白二曰皎雪驄三曰凝露驄四曰
懸光驄五曰決波驄六曰飛霞驄七曰發電赤八曰
流金駒九曰翔麟紫十曰奔虹赤乃序其事曰噴沫

則千里飛紅流汗則三條振血塵不及起影不暇生

決波驄

西陽雜俎曰決波驄走歷門三限不躡太宗尤惜之
隋內庫有交臂玉猿二臂相貫如連環特表其轡

拳毛騮

唐太宗有拳毛騮杜甫觀曹將軍畫馬圖曰昔日太
宗拳毛騮近時郭家師子花今之新圖有二馬復令
識者久嘆嗟

黃驄驃

樂志唐太宗破寶建德乘馬名黃驄驃命樂工製黃驄疊曲宮調也

波斯馬

吐谷渾傳得波斯馬牧于海生驄駒日步千里

蹀馬

通典唐翔麟鳳苑廐蹀馬俯仰騰躍皆合節朝會用樂則兼奏之

紅玉

天寶中大宛進汗血馬六匹紅紫青黃丁香桃花叱

撥上乃改名紅玉紫玉平山凌雲飛香百花輦命圖於瑤光殿

龍支馬

天寶中皇甫惟明奏龍支縣人庫狄孝義有馬生龍駒身有鱗而不生毛時有慶雲五色覆馬上久而不散

赤驃

岑參赤驃馬歌曰君家赤驃畫不得一團簇風桃花色

太原異馬

唐開元十二年太原獻異馬駒其耳如筒左右各十六肋肉尾無毛

靈昌異馬

明皇時靈昌郡得異馬於河帝西幸入渭水化爲龍泳去

龍駒

祥符九年大名監產赤馬肉尾無鬃是龍駒出格馬

紹興七年五月廣右進出格馬十匹上畱其一餘付殿前司上曰馬之良者不必西北

九花虯

唐書太宗以郭子儀收復偃師功賜九花虯馬

肉駿

蘇東坡集秦州進一馬項下重胡倒毛生肉端此肉駿也

促織志

公安袁宏道

論畜

京師人至七八月家家皆養促織余每至郊野見健夫小兒群聚草間側耳往來面貌兀兀若有所失者至於溷廁污垣之中一聞其聲躡身疾趨如饑貓見鼠瓦盆泥罐遍市井皆是不論老幼男女皆引鬪以爲樂

論似

促織志

促織志
有一種似蚱蜢而身肥大京師人謂之聒聒亦捕養之南人謂之紡線娘食絲瓜花及瓜穰音聲與促織相似而清越過之余嘗畜二籠挂之簷間露下淒聲徹夜酸楚異常俗耳爲之一清少時讀書杜庄晞髮松林景象如在目前自以蛙吹鶴唳不能及也

又

又一種亦微類促織而韻致悠揚如金玉中出溫和亮徹聽之令人氣平京師人謂之金鐘兒見暗則鳴遇明則止兩種皆不能闢故未若促織之盛

論體性

嘗觀賈秋壑促織經其略謂蟲生於草土者其身軟生於磚石者其體剛生於淺草瘠土磚石深坑向陽之地者其性劣

論色

其色白不如黑黑不如赤赤不如黃黃不如青

又

白麻頭青頂金翅金銀絲額上也黃麻頭次也紫金黑色又其次也

論形

其形以頭項肥脚腿長身背潤者爲上頭尖項緊脚瘦腿薄者爲下

論病

蟲病有四一仰頭二捲鬚三練牙四踢腿若犯其一皆不可用

名色

其名色有曰牙青拖肚黃紅頭紫狗蠅黃錦蓑衣肉鋤頭金束帶齊旅翅梅花翅琵琶翅青金翅紫金翅

烏頭金翅油紙燈三段錦紅鈴月額頭香色脯鈴之類甚多不可盡載

養法

養法用鰕魚茭肉蘆根蟲斷節蟲扁擔蟲煮熟栗子黃米飯

治法

醫治之法嚼牙喂帶血蚊蟲內熱用荳芽尖葉落胎糞結用蝦婆頭昏川芎茶浴咬傷用童便蚯蚓糞調和點其瘡口

總論

石公曰已上凡促織之態貌情性織悉必具嗟乎一
蟲之微妙曲折如此由此推之雖蠅虱蟻蠓吾知其
情狀與人不殊矣

促織志

麻城劉侗

產

永定門外五里禾黍嶷嶷然被野者胡家村禾黍中
荒寺數出墳兆萬接所產促織矜鳴善鬪殊勝他產

捕

秋七八月游閒人提竹筒過籠銅絲罩詣藜草處缺
墻頽屋處輓篋土石堆磊處側聽徐行若有遺亡跡
聲所縷發而穴斯得乃搯以尖草不出灌以筒水躍

出矣視其躍狀而佳逐且捕之

辨

捕得色辨形辨之辨審養之養得其形若氣試之試而才然後以鬪

材

促織經曰蟲生于草土者身軟磚石者體剛淺草瘠土者性和磚石溪坑及地陽向者性劣若是者穴辨凡促織青為上黃次之赤次之黑又次之白為下號紅麻頭白麻頭青項金翅金絲額銀絲額上也黃麻

頭次也紫金黑色次也

若是者色辨首項肥腿脰長

背身濶上也不及斯次反斯下也

其號之油利捷懈

殼青棗核形土蜂形金琵琶紅沙青沙紺色為一等長翼梅花翅土狗形螳螂形飛鈴為一等皂鷄蝴蝶

形香獅子為一等

若是者形辨養有飼焉有浴焉有

病用醫焉

鰻魚稻撮蟲水蜘蛛匾擔蟲溝紅蟲懈白

粟黃米飯食養也榨小青蟲汁而糖調之以浴隨淨甜水以滌水養也蟲病而治之水畔紅蟲主積食蚊帶血者主冷蛆蛻厠上曰棒槌蟲主熱粉青小青蝦

促織志
主鬪後自然銅浸水點者主鬪損茶薑點者主牙損
童便調蚯蚓糞點者主咬傷竹蠖主氣弱蜂毒身疲
醫養也
如是促織性良氣全矣中則有材焉者間試
而亟蓄其銳以待鬪

鬪

初鬪蟲主者各內蟲乎比籠身等色等合而內乎鬪
盆蟲勝主勝蟲負主負勝者翹然長鳴以報其主然
必無負而偽鳴與未鬪而已負走者其收辨其養素
其試審也蟲鬪口者勇也鬪間者智也鬪間者俄而

鬪口敵蟲弱也鬪口者俄而鬪間敵蟲強也

名

考促織爾雅曰翰天鷄李巡曰酸鷄郭璞曰莎鷄一
曰樗鷄方言曰蚯蚓一曰蜻蛉爾雅翼曰蟋蟀生野
中好吟于土石磚瓦中鬪則矜鳴其聲如織故幽州
謂之促織也

留

促織感秋而生其音商其性勝秋盡則盡今都人能
種之畱其鳴溪冬其法土于盆養之蟲生子土中入

冬以其土置煖炕日水灑綿履之伏五六日土蠕蠕動又伏七八日子出白如蛆然置子蔬菜仍灑履之足翅成漸以黑匝月則鳴鳴細于秋入春反僵也

俗

凡都人鬪促織之俗不直閭巷小兒也貴遊至曠厥事豪右以銷其貲士荒其業今亦漸衰止惟嬌姘兒女鬪嬉未休

別

然嬉之蟲又不直促織有蟲黑色銳前而豐後鬚尾皆岐以躍飛以翼鳴其聲磴稜稜秋蟲也暗卽鳴鳴竟刻明卽止瓶以琉璃飼以青蒿狀其聲名之曰金鐘兒有蟲便腹青色以股躍以短翼鳴其聲聒聒夏蟲也絡緯是也晝而曝斯鳴矣夕而熱斯鳴矣稽籠懸之餌以瓜之饑以其聲名之曰聒聒兒其先聒聒生者曰蚪螞蚱以比于聒聒腹太似恨騫翅太似恨長鳴太似恨細有唧蟻者蝟也馬唧蟻者蟬也名以聽者之所爲情寂寥然也鳴蓋呼其候焉三伏鳴者聲躁以急如曰伏天伏天入秋而涼鳴則淒短如曰

仙經志 四
秋涼秋涼取者以膠首竿承焉驚而飛也鳴則攸然其粘也鳴切切如曰吱吱入乎手而握之鳴悲有求如曰施施促織之別種三肥大倍焉者色澤如油其聲呦呦曰油胡盧其首大者聲梆梆曰梆子頭銳喙者聲篤篤曰老米嘴三者不能闢而能聲擯于養者童或收之食促織之餘草具螞蚱之種三俱不鳴青翼而黃身躍近而飛遠飛則見其襲羽或紅焉或黃焉曰螞蚱其青而長身者曰匾蠶嬉者股繫而提之使飛不止以觀其襲羽其扁身長脰昂首出目者

刀郎螳螂也性怒無所畏讓嬉者亦股繫而觸之以觀其怒也蜻蜓之類三大而青者曰老青紅而黃者曰黃兒赤者曰紅兒好繫水而飛飛童圈竹結綵線網曰絃循水次群逐而撲之名呼以祝曰棲棲撲着曰絃着得一曰一朵以色玩如花也別有鱉身象鼻而貝色大如朱纓曰椿象生椿其臭椿也不可觸有若半赤豆而草麻點者曰瓢兒生蔬畦捉之則溺腥黃污不可脫而童手之不巳也有金光而綠色甲堅而鬚勁以動曰金牛兒黑色白點曰春牛兒無所可

娛也繫而斃之則已有玄身而兩截形剛而性媚相
其後首則前頓聲嘖嘖然仰置之彈而上還復其故
處不能遂覆而走也曰叩頭蟲一曰搗碓蟲焉

海味索隱

四明屠本峻

張將軍九嶼先生者元戎觀甫之尊公也博物洽
聞猶嗜著述嘗遊蛟川滃州小白華諸境而食海
味隨筆作贊頌銘解十六品此品傳而覩其品者
足慰名飲誦其文者良深雋永增四明海錯一段
奇事矣第鯉魚青鯽菜黃蛤鱉無雄蟹郭索之
類或信訛傳或未詳攷或評騭稍嚴或賞譽差隆
不佞因而索隱于條下政恐失真故爲訂訛也然

蘇長公以江瑤柱爲蟹類皆信譌傳則何異張將軍之以黃魚爲鯉青瘠爲鯽乎唐詩云海味惟甘久住人不但于味卽其名亦久習人方得不譌耳不佞宦遊閩中著海錯通譜今十六品出而余瞠乎其後矣

海物惟錯久住人甘贊頌銘解久住人諳山海有經景純贊成猗歟九嶷有贊有銘文繇品雋品籍文宣甬海之東遂成不刊節彼贊銘海物惟異匪世竒人曷標厥麗

蚶子頌

內柔而茹外剛而錯惟柔乃食其肉惟剛幾磨其殼茹其肉棄其殼蚶乎蚶乎其贊食指之甘而扶糟丘之酣者乎

江瑤柱贊

冠于江石髓瓊漿美如瑤雲腴露膏圓而柱玉鬚冰筋倘生北海伯夷不採西山之薇以供赤松畱侯永辟人間之穀笑說麟脂是俗羹不堪大嚼屠門肉索隱曰蘇長公會作江瑤柱賦余未及見也又言

雖禪人衲子亦當朶頤何大爲饒口開例耶若覽此贊又添一滑稽案矣想蘇公賦不過此耳

子蟹解

蟹何多名也爲彭蜺爲彭蠡爲彭越爲招潮爲郭索爲博帶爲傑步爲狼螳蟹何多名也鱸魚紫蟹子江南爲勝謂殼上斑點者是蘇長公最嗜蟹有詩曰半殼含黃須點酒兩螯宜紫勸加飧但汝爲無腸公子今何又爲多子夫人夫仁人之于汝子也何不視之爲鳩鳩又何忍視之爲螟蠹也言下有一轉語曰應

作不喫法

索隱曰凡蟹之行人皆稱爲郭索而非別有一種及觀怪山傳子翼蟹譜云行爲螭蟹橫行多足爲郭索也

礪房贊

蜂房水窩幾千萬落附石以生得潮而活所茹海藻所吞月魄貯白玉甌雲凝霧結沁甘露漿涎流溢咽是無上味形容不得

索隱曰一名牡礪出海島麗石而生其殼魄礪相

海味索隱 八
粘如房楊升菴贊云海曲礪房或名蠓山看渠磊
砢牝牝異斑肉曰礪黃醴味海蠻同野先生兼寫
其味更詳之

淡菜銘

食土之毛有淡其菜淡而不厭毛猶有倫淡味也內
也毛象也外也食其味核其象觀其外知其內可謂
之西子不潔誰言是東海夫人魯論鄉黨篇曰色惡
不食臭惡不食失飪不食不時不食葢兼之矣

索隱曰淡菜土名殼菜味清而美不作腥氣未可
以其形不雅而謂之色惡不食臭惡不食也銘貶

太嚴

土鐵歌

土非土鐵非鐵肥如澤鮮如屑乍來產自寧波城看
時却似嘉魚穴盤中箇箇瑪瑙烏席前一丹丘血
見者嘗飲者藥舉杯喫飯兩相宜腥腥不惜廣長舌
索隱曰土鐵一名泥螺出南田者佳五月梅雨收
製三吳士人酷嗜土鐵者謂不但喫飯飲酒卽點
茶亦妙予嘗舉以爲笑

海味索隱 八
蠣頌

豐若無肌柔若無骨截之肪耶盡之脂耶乳沉雪山
鉢底酥凝玉門關外露滴仙盤掌中其卽若箇之化
身也耶

索隱曰蠣身柔如膏無骨鱗細口闊齒多一作鱗
諺曰人孱弱者曰蠣水族風味真上品也頌若華
袞妙極形容

蛤有多種

蛤與蚌同類而異形也長者爲蚌圓者爲蛤海蛤百

歲燕所化也蛤蠣千歲鳥所化也蛤蜊殼薄而小候
風雨以殼爲翅而飛也齊蛤兩頭皆尖也文蛤小而
色紫也車螯大而殼厚也姑勞似車螯而薄也蜆亦
蛤也石蚌蛤也待春而叢生也石華蛤也附石而零
生也諸蛤皆產于海中而此間又有呼爲黃蛤者甚
佳

索隱曰石蚌土名龜脚又名佛手蚌皆以象形立
名其肉端有兩黑爪至春月散開如葩故閒居賦
云石蚌應節而揚葩是也古詩云來經石蚌春當

是蚶類

黃蛤贊

類若焦冥出于沙汀聚如繁星輕如蜂翎味如寧馨
其於大者何不視之如丁丁而其於小者何不任之
爲形形

蠶箋

形如覆釜色如紺碧血如蔚藍尾如禿戟負如浮圖
行如屈折眼竅于背足攢于腹珠綴于肋乘風曰帆
聯遊曰筏伏雌曰媚奇形異狀莫詳其說解曰東海

閑行覓釣槎先生浪道侶魚蝦急將一甲歸圖畫始
信魚翁舌不差

索隱曰蠶介屬口足皆在覆斗之下每雌負雄雖
風濤不解故漁必雙得之以竹編爲一甲鬻焉埤
雅云蠶尾燒之可辟蚊然蚊螫之輒斃又暴之日
中往往無恙隙光射之卽死未知其故何也若形
色狀態則備于此箋矣

團魚說

鱉河伯從事也狀如覆肺四目六足專以目聽其稟

異也所伏之處必有浮沫藏形于淵伏邪于陵純雌
無雄以思想生其性異也江南漁人得鱉于涪繫于
簷前明日眎之則一巨蛇也其化異也卽煎鱉之章
詩人爲孝友之張仲美而羅衣託夢古人以爲怪也
而今而後吾且以物爲路諸父之不食而願爲崔弘
度之放舍也孔子曰丘未達不敢嘗

索隱曰團魚有雄有雌雌者腹藏卵能生產而無
腎雄者腹藏腎而不藏卵古詩雄兔走趨雌兔
眼迷離則兔亦有雌雄矣

醉蟹贊

世人皆醉而我獨醒者靈均也世人皆醒而我獨醉
者伯倫也不肯以我之察察而受物之汶汶棄世者
也甘我之沉沉而任物之皎皎溷世者也以汝之醉
蘇我之醒以其昏昏使人昭昭再飲再醉舉杯持螯
是謂醉蟹解我宿醪

索隱曰自非備嘗拂鬱焉能托物陳情宛轉若此
讀醉蟹贊吾欲擊唾壺矣

鯉魚齋魚銘

鯉魚一名鱧魚骨軟肉細其味頗佳春夏乃生謂之
春來惟多乃踏名曰白鯨海水茫茫亦有灌莽舟人
以漁四面舉網其意云何千萬垓壤民利用生亦可
以養鮮者爲鯉豈不燕饗乾者爲鯨二簋用享水陸
之間行識受想亦復如是曰鯉曰鯨

索隱曰鯉魚黃魚各有一種肉與味亦自不同卽
如吾郡梅魚比黃魚極小肉與味正相似閩中呼
爲小黃魚其鱗色燦爛金星如大黃魚也然又各
自一種今銘合鯉黃爲一種誤矣蓋鱗鯉別是一

種吾郡嘉靖末年網者得之以爲怪物棄于海中
間有去鼻而煮食者邇來亦知爲鮮矣終不甚貴
也黃魚謂之石首者腦中藏二白石子故名又謂
之洋生魚土人從小滿節候黃魚散子在海洋中
魚貫串若山移而過商人倩漁師聽魚聲乃報曰
釣魚來有幾里幾里云漁者舉網或得千萬頭或
空不得蓋遇與不也今黃鯉大相懸絕毫釐千里
用是訂訛

青鯽歌

海味索隱
撰茅積得玄鯽顏如漆味如腊煮白石防中咽啖蟠
桃吐崑核比五葷是雞肋中間棄之殊可惜
索隱曰青瘠魚身扁而鱗色俱白以背上一條青
脊得名非青鯽魚也其膏腴甚美出秦化縣士庶
咸珍之在諸魚之上過清明時候腦中生蟲名魚
蟲其蟲漸大而魚亦漸瘦便不堪食蓋不時不食
矣豈張將軍食此魚時正在生蟲之候爲過時之
食耶歌刺稍嚴矣然以瘠爲鯽土人故自訛耳以
白爲玄未深觀厥狀也

鯽贊

其形如淡菜而其堅也閣閣其肉如蝦蛤而其味也
泊泊卽不謂之腥鱗亦可謂之肉臠固不尊之爲大
嚼亦可謂之爲細鱗悠悠獨酌三嗅而作

蠅魚頌

駕青虬駢玄螭肥而癡涅而溜似烏鰂比黑魚不嫌
入淤而食泥猶堪哺糟與啜醢

魚品

遯園居士

江東魚國也爲人所珍自鮓魚刀鯨河鮓外有鯉青
黑色有金光隱閃大者貴有鱠似鯉而身狹長鱗小
而稍黑有青魚類鱠而鱗微細有鱣巨口細鱗蘇子
所謂狀似松江之鱸者也鬣利如錐肉緊而無刺類
蟹螯有白魚身窄而長鱗細白肉甚美而不韌有鱠
小頭身橫視之圓如盤而側甚薄大者曰鮓腹脊多
腴有鱗身圓如竹頭尖而喙長俗所名火筒背也善

咱諸魚而品下有鱒鼻長與身等口隱其下身骨脆
美可咱爲鱧良其腮曰玉梭衣有鱧身似鱒而色純
黑頭有七星俗曰烏魚道家忌食之其性耐久埋上
中數月不死得水復活有鮰頭微扁而身青白色無
鱗尾無岐肉最肥張志和詩桃華流水鰕魚肥卽此
第此魚惟秋爲美俗曰菊華鮰有鮎頭扁而口峻濶
身黃黑白錯尾如鮰小者曰汪刺有鯽水中自產爲
野魚以後湖者良性獨屬土有鱧頭大而身微類鱈
鱗細肉頗膩江南人家塘池中多種之歲可長尺許
俗曰此家魚也有青白二種大者頭多腴爲上味有
麩條魚身狹而長不踰數寸銀魚之大者也裹以麩
糊油爍而薦之又黃鱓鰻鱧皆以魚名其形質實
一蛇別爲一族與蝦蟹同

